

DN**Den Noticia****Ultimo ora**

Trahadornan di
Parke Avestruz
evacua debi na
candela feroz

Hopi no sa e resultado sin helm blisti riba quad racer



Post Aruba NV ta conoce un director
nobo Minister de Meza satisfecho cu
e rumbo cu Post Aruba ta tumando

Available on the
App Store

Post Aruba NV ta conoce un director nobo..... Minister de Meza satisfecho cu e rumbo cu Post Aruba ta tumando

**Post
Aruba**

Guillermo Raymond dialuna mainta a wordo presenta na Post Aruba NV como e director nobo. Ta un persona cu desde 1984 a

cuminsa traha eyan y tin amplio experiencia. Hopi reto Post Aruba tabatin durante e anjanan cu a pasa. E entrada di diferente

sistema digital a pone cu e competencianan a bira fuerte. Post Aruba ta bezig ta re-focus su core business caminda ta garantisa

delivery di post na cas na un manera adecuado, confidencial y liher. Aruba su post ta sumamente importante pa e pueblo di Aruba, segun Minister Mike de Meza. Mirando cu e servicionan postal mundialmente a conoce reto grandi, Aruba no ta diferente. Y Aruba tambe ta pasando dor di un transformaciona. Den esaki tabata importante pa Post Aruba haya un director nobo y e mester ta un hende cu ta sali di e seno di servicio postal mes. Semper e nomber di Guillermo Raymond a resalta

durante e combersacion buscando un director pa Post Aruba NV y awe pues el a keda nombra como e director nobo.

Tin un team profesional pa traha riba e metanan di Post Aruba NV. Tin diferente plan cu a wordo presenta caba y Minister Mike de Meza a splica cu nan tin confianza den Guillermo Raymond y p'esey Consejo di Minister a duna Guillermo Raymond e sosten pa e tuma over e rumbo nobo di Post Aruba y como yiu di tera cu sosten di tur su coleganan.



Hopi no sa e resultado sin helm bisti riba quad racer

Durante cu e patruyanan Motoriza, tabata tene nan control riba Savaneta pa Pos Chikito caminda grandi nan a tuma nota di un pareha turista riba quad racer y e chauffeur sin helm. Aki e Polis a crusa camin-

da y pone para bandi caminda y splike e consecuencia cu tin coriendo quadacer sin helm cu por sali fatal. Aki e chauffeur a bisti y cumpli cu e orden cu e oficial a pidie. Bon trabou di e unidadnan.



Miss Aruba Larisa Leeuwe **segunda finalista den Reinado Internacional del Café**

Aruba a bolbe sobresali, ora Miss Aruba Larisa Leeuwe, a keda na di dos lugar den e certamen di beyesa di Reinado Internacional del Café 2013. E evento grandi aki a conta cu


23 representante di diferente pais rond dim undo na Manizales, Colombia. Aruba a haci un bon trabao na e reinado aki. Pa-bien na Larisa Leeuwe cu su logro na di dos lugar.



Suceso

Accidente frontal riba lama cu un dama herida

Diadomingo den oranan di anochi riba lama, despues di e actividad di Fuikdag den area di Zeewijk un impacto basta duro a zona riba lama cu a resultado di ta un accidente frontal entre waverunners. Un di e personanan a resulta herida y tabata basta serio y cu urgencia ambulance a transporte pa Eerste Hulp pa haya atencion medico mas avansa.



HITES


HIGH TECHNOLOGY SALES & SERVICES N.V.
DUTCH CARIBBEAN

HITES N.V.
Arendstraat 124
Tel : +297 - 588-5966
Fax : +297 - 588-5895
Email : info@hites.com

For Sliding Gates

DEIMOS Kit

- 1 BFT DEIMOS motor
- 2 Remote Control
- 1 Photocell
- 1 Blinker cu Antenna
- 4 Plastic rack di 1m



120V

AFI.

1295.00



Horarios: Dialuna-Dlabierna 8:00 am - 5:30 pm
Diasabra : 8:00 am - 12:00 pm

Jama nos na 588-5966

Biblioteca Nacional Arubano cu un webpage



E siman aki ta habri cu un enovacion nobo di gerencia y tur esnan involvi, cu ta presenta nan webpage nobo, na unda tur informacionnan referente na tur loke cu tin di haci cu Biblioteca Nacional. Mester bisa cu e esfuerzo di e team di nos Biblioteca Nacional Arubano, awe ta duna su fruto y un muestra conhuntamente por logra cosnan bon y positivo. Na gerencia y empleadonan di nos Biblioteca Nacional Arubano, un cordial pabien cu e Webpage nobo aki.

Falta di preferencia na crusada di Top Car



Diadomingo anochi na e crusada di Top Car, riba Caya Ernesto Petronia un accidente a tuma luga, na unda un

chauffeur den su toyota tercel a subi e crusada y un santa fe biniendo di zuid pa nort a dal den dje. Ambos auto a haya

daño pero considerable y ningun persona herida. Aki e patruya di trafico a presenta pa traha rapport.

J.H. YEE'S
珍味 Asian Bistro

Located at South Beach Centre
Across from the Radisson | Tel: 586-3888

Bayendo carnaval riba Quadracer sin documento a keda na pia

Diadomingo atardi riba caminda di Pos Chikito, poco pariba di La Granja un quadracer blauw cu un pareha riba dje a pasa dilanti un unidad motoriza y sin plachi number sin helm bisti. Aki e unidad a pare di biaha y e chauffeur no tabatin su helm bisti y su compañera patras si. E quadracer no tin ni plachi number cu su documentonan na orden. Aki nan a keda na pia y un Taxi a bin buscanan.



Coming soon



Homber di edad y fastioso na parada di blaas deteni



Diadomingo atardi altura di Pacifico Bar na San Nicolas, Polis a hayanan ta detene un homber di edad cu tabata comporta su mes masha malo mes den presencia di

e muchanan, gozando di nan parada di blaas. Aki e personal di CEA a yega buske y trece warda di San Nicolas.

Cuatro detencion pariba di Drive Inn



E team di Polis Motoriza a subi caya for di diadomingo mainta te cu anochi, controlando e automobilistanan y aki varios detencion, multa y a kita auto a cay. Pariba di Drive Inn riba e caminda principal atardi despues di e parada di Blaas, a tene un controla masivo unda

cuatro detencion a cay den un rato pa chauffeurnan coriendo zig zag. Te asta a para chauffeurnan di auto cu no ta core cu documento na orden. E polis motoriza haciendo nan tremendo trabou a elimina basta chauffeur burachi riba caminda.



Dos biaha Polis
habitante a pidi pa
baha volume di musica



Diadomingo marud-
ga, e patruya di Playa
a haye ta bay dos bi-
aha pa un asistencia
den Nieuwstraat na fi-
nal di caya grandi. Na
unda na un cas tin un
fiesta andando, pero
e volume di e musica
ta asina duro. E ha-
bitantenan un rato a
fada y aki Polis a bay
prome biaha y nan a
coopera na baha es-

aki. Pero ta mostra
cu a laga algun ora
pasa pa nan sigui blas
muziek mas duro.
Ora nan a wak Polis a
yega nan a core baha
e volume pero di leu
Polis a scucha esaki
y a duna e doño di
cas un advertencia y
tuma su datos pa si
mester bolbe otro gay
ta canta.

DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30

Dragon specials



Tablet PC

Titan tablet
Afl. 255.00



Galaxy S3
Afl. 1325.00



Naxa NPB-250
Afl. 115.00

Accessories for: HTC Sensation XL, One X, Rhyme and Samsung S2, S3 and Note.
Also: iPhone 4, Samsung S3, Samsung Note, Blackberry torch, bold2, bold 3,
9790, curve 9360, curve 9320, 9320 and more.

Hp Laptop 15.6" 4GB 520GB Harddisk. Afl. 999.00

Hp Acer 10.1" 1GB 320 GB. Afl. 610.00

Hp ink cartridges, Universal laptop adapters etc.

Titan gift cards \$ 10.00 and \$ 15.00 and Playstation Network cards.

Sales, repair and accessories for all blackberry models and other cell phones.

Unlock, reload, reset, upgrade, replace lcd, keypad, speaker etc.

Chauffeur burachi coriendo duro a dal riba trailer



Diadomingo at-
ardi na e crusada
di Super Food riba
Sasakiweg na e
luznan di trafico pa
bay Playa, un acci-
dente a tuma lugar
unda un homber
bou influencia di al-
cohol a dal riba un

trailer di lastra wa-
verunner. E auto
byd blanco a keda
full kibra y e trailer
a scheur y dobla.
Aki Polis di trafico
a presenta y a de-
tene e chauffeur
unda a bin haya un
arma blanco den su

poder y e no tabata
comporta. A pone
den auto y asina
mes tabata bati na
bentana y no taba-
ta comporta te ora
cu otro patruya a
buske y hibe warda.

E Comision Balanced Budget mester bay drecha e fayonan di Gabinete Eman

Na man di Gabinete Eman nos finanzas publico ta bayendo completamente for di control y nos a yega na e punto cu Gabinete Eman no sa mas kiko pa haci pa por yega na fondonan pa por maneha e Pais aki. Awor cu no tin mas awa pa laba y cu e lama di fondo a seca completamente, awor den pura a laga institui un Comicion Balanced Budget pa traha un plan pa bay drecha e fayonan di Gabinete Eman. Lamentabel ta cu ta Pueblo lo mester bay paga e prijs halto pa drecha e fayonan aki. E institucion di e Comicion nobo aki ta prueba palpabel cu cu Gabinete Eman nunca tabata tin un plan pa deal cu e finanzas publico di nos Pais na un manera responsabel. E decisionan popular cu Gabinete Eman a tuma den e ultimo 3 añanan a hiba nos finanzas publico den un desbalance total, door cu e entrada di nos Pais a wordo baha y di otro banda e gastonan di nos Pais a subi substancialmente. Danki na e irresponsabilidad di Gabinete Eman, awe nos ta testigo di e deficitnan y debenan hamas bisto den e corto historia di nos Pais y Banco Central a nota esaki preto riba blanco pa asina nos tene cuenta cu e hecho

**Segun:
Xiomara
Ruiz-
Maduro:**

aki. E fayó di mas grandi tabata e stunt politico di Gabinete Eman di elemina of reduci BBO. Nan a purba di tur manera pa recompensa pa e fayó aki door di cobra tur hende belasting atrasa y subi e grondbelasting na un moda inhumano. Pero nada di esaki a logra na recompensa local cu BBO tabata trece den e caha di Gobierno. Pesey di un forma descabeya a bay fia placa riba mercado local y internacional pa yega na fondo pa goberna. Awor Gabinete Eman mes a realisa cu bo no por keda comete e fayó di chica y endueda e Pueblo aki sin mas, y pesey bou di precion di Hulanda pa duna ok pa fia mas placa riba mercado internacional, ta dicidi di pone un Comicion cu mester bay saca afor con mester drecha e fayó grandi aki. Mester remarca cu di 2007 pa 2009 nos Pais tambe a

conta cu un Nacional Comicion on Public Finance cu tabata consisti di un grupo di profesional cu a bin cu proposicionan concreto pa nos balanza nos finanzas publico. Pero lamentablemente asina cu Gabinete Eman a tuma mando na 2009, nan a disolve e grupo aki y nan a laga tur nan consehonan un banda, pa asina por hiba un maneho financiero populista cu ta hibando nos Pais den un abismo di debe. Nos ta confia cu e Comicion

Balanced Budget lo sa di haci su trabou di señala e fayó grandi aki cu Gabinete Eman su maneho financiero populista a haci cu nos finanzas publico y nos ta spera cu nan tambe por bin cu solucionan concreto y duradero pa nos Pais.

Ta di lamenta si cu ta e Pueblo ta esun cu lo bay paga e prijs halto pa por coregi tur e fayonan di Gabinete Eman.



OROCASH®
COMPRA Y VENTA

Prestamo riba cualkier articulo, manera
ORO, Auto y Aparatonan Electronico y cualkier
articulo pa cu bo tin balor.

Purba bo mes!
Bin cerca nos!

HABRI 7 DIA DI SIMAN

8:00 AM a 10:00 PM Telf: 582.49.89

**Av. Alo Tromp Nro 2 Edif.
Kini Kini Oranjestad, Aruba**

Aruba Bowling Association ta presenta ganadornan di torneo nacional 2012

Cu partisipacion di mas cu 60 hungador di bowling entre edad di 6 pa 60 plus ARBAS a organisa su torneo nacional di bowling cu ta tuma lugar tur anja na luna di November. Dia 18 di November tabata e ultimo dia di competencia. E division di Pee Wee y Junior a hunga total di 24 wega y division juvenil, adulto y seniors a hunga 36 wega cu 2 condicion di azeta conoci den bowling oficial internacional Long 44 pia y Short 35 pia. Premiacion pa tur division ta medaya.

E resultado ta manera ta sigi:

Division Pee Wee edad 6 pa 10 anja Femenino Medaya Oro: Xanthe Lobbrecht averahe 105.7, Medaya Plata: Rania Halabi averahe 104.1 y wega halto di 153 y Me-

daya Brons: Jumayline de Cuba averahe 101.0. Masculino solamente 1 partisipante Medaya Oro: Dylan Ashby averahe 113.6 y wega halto 154. Division Junior edad 11 pa 14 anja Femenino Medaya Oro: Jo-Ann Noguera averahe 153.8 wega halto 189, Medaya Plata: Naomi Orman averahe 109.1. Masculino: Medaya Oro: Renald Thiel averahe 176.0 wega halto 235, Medaya Plata: Elgin Nicolaas averahe 161.1 y Medaya Brons: Luigene Escobar averahe 157.3. Division Juvenil edad 15 pa 17 anja Femenino Medaya Oro: Jeadine Luidens averahe 177.8 y wega halto 223, Medaya Plata: Abigail Dammers averahe 169.3 y Medaya Brons: Shakaina Querero averahe 164.7. Masculino:



Medaya Oro: Elias Halabi averahe 175.3, Medaya Plata: John Elias Thiel averahe 167.2 y wega halto 247 y Medaya Brons: Yannick Roos averahe 165.2. Division Adulto edad 18 pa 49 anja Femenino Medaya Oro: Thashaina Seraus averahe 191.4 y wega halto 247, Medaya Plata: Bettiza Koolman averahe 171.9 y Medaya Brons: Nirvana Tromp averahe 161.0. Masculino: Medaya Oro: Jason Odor averahe 204.3 y wega halto 272, Medaya Plata: Eltomp Tromp averahe 191.6 y Me-

daya Brons: Errolito Brown averahe 187.0. Division Seniors edad 50 plus Femenino Medaya Oro: Yvonne Webb averahe 172.7 y wega halto 234, Medaya Plata: Aurita Lampe averahe 162.9 y Medaya Brons: Edna Maduro averahe 161.1. Masculino: Medaya Oro: Renny Alvarez averahe 171.6, Medaya Plata: Johnny Thiel averahe 171.1 y Medaya Brons: Michael Jeand'or averahe 167.1 y wega halto pa Frank Croes 233.



Palo Marga den tempo di su Gloria

Varios persona den e comunidad di Aruba ainda por recorda 30 aña atras con riba un dia di Aña di La Reina e pista di Palo Marga a keda oficialmente habri pa asina caredanan di drag na un manera legal por a tuma lugar aki na Aruba. Sigur cu despues di 30 aña hopi cos cambia den e mundo di drag racing y hopi team no

ta activo mas pero tambe tin hopi coredornan y teamnan cu a bin acerca pa asina participa na e deporte aki cu den cierto caso hasta a pasa di un generacion pa e otro generacion den e mesun famia. Drag Racing na Aruba a pasa den su temponan bon pero tambe den su temponan no mucho di gaba pero nunca no a muri



y keto bai aunque e ta un di e deportenan mas caro pa practica riba nos isla, ta hanja un acogida grandi di participantenan y tambe fanaticonan.

Actualmente e pista di Palo Marga pa bow di encargo di The Boss Racing Foundation cu mientras tur hende ta den ambiente di pluma, payet y Carnaval, nan ta bezig trahando y reuniendo cu miembronan di e fundacion SAMS kendenan 30 aña atras tabata ta tin e pista di Palo Marga bow di nan maneho pa asina prepara un programa special pa lo-

que ta bai bira e celebracion di 30 aña di drag race riba Palo Marga aki na Aruba. Keda pendiente como cu den e proximo dianan nan lo trece mas informacion di tur e actividadnan cu lo bai tin pa e coredornan di Aruba pero tambe esnan di Corsow, Merca, Venezuela, Colombia y otro islanan den Caribe cu actualmente ta mustrand nan interes pa bin participa na e magno celebracion aki di 30 Aña di Palo Marga International Raceway Park.



Minister Otmar Oduber a confirma cu por lo pronto y pa e proximo dos añanan no lo duna ningun permiso di taxi adicional na e 400 taxinan existente. E moratorio pa taxi a drenta na vigor entrante 12 di augustus 2012.

E decision aki a bin no solamente den cuadro di e reunionnan cu e mandatario a bin ta sosteniendo durante e ultimo añanan cu e cooperativanan di taxi y taxistanan tambe, pero tambe basa riba e estudio realiza pa

No lo duna ningun taxi adicional na e 400nan existente

Deloitte riba transporte publico. Minister Otmar Oduber a tuma e decision cu lo mantene e moratorio di taxinan pa e proximo 2 añanan, un decision cu e cooperativanan di taxi a sostene abiertamente durante e reunion cu nan a sostene aña pasa na october. Minister Oduber despues di a haya recomendacion di D.O.P.V, a pone enfasis riba e reorganizacion den e sector di transporte. Minister Oduber a mira e necesidad pa presenta un moratorio aplicabel pa 2 aña, pa determina e autorizacion di e permisionan pa licencia di transporte publico nobo. Esaki

ta wordo considera despues di un analisis y encuesta basa riba e industria di turismo creciente como tambe crecimiento den nos poblacion. Por medio di un decision ministerial 29 januari 2010, a entrega un moratorium pa e autorizacion pa entrega permisonan nobo. Esaki manera stipula den art. 3 di e "landsverordening personenvervoer" tabatin un validez di 2 aña, cu tabata entrante februari 2010 pa 21 di januari 2012 y esaki despues di e recomendacionnan ricibi a keda extendi pa 2 aña mas cuminsando 12 di augustus aña pasa.

RCA ta dal Caravel y corre 5.5k den Angochi

Diabierna anochi RCA Big Wheel Lottery powered by Powerade a pasa raspa Caravel cu un 8-0 den prome buelta di Copa Betico 2013. Goleador nan tawata ta Ronald Gomez cu 3, Erik Santos 2, Killiam Toro 2, Steven Melchior 1. Diasabra atardi den Arena, RCA Insel Air ta dal Britannia un 5-0 den menor. Jean Pierre v/d Linden a score 2 gol y Jesus Peñate tawatin un



hattrick. Pa sera e diasabra RCA Damas ta dal Riverplate 3-1, Ailleen Willems, Milviene Henriquez, Melissa Croes ta anota den un anochi basta friew na Sólito. Diadomingo atardi varios hungador a jega Sportboys pa e tough run di Thrill Walkers. E recien refuerzo hoben Youri Wernet tawata e prome tri-color pa pasa finish line. Despues a sigi un happy Pizza hour na e grandioso Urataka Center

cu the Best Pizza in Town. Fanaticada tri-color ta invita diaranson 6pm na RCA pa e encuentro RCA Interpret vs Estrella Mayor. Diabierna 8pm ta RCA Damas U20 vs Bubali na RCA Arena. Diasabra 4:30 RCA Insel Air vs Estrella Menor na RCA y Diadomingo 20 januari pa5pm bin apoya RCA Big Wheel Lottery powered by Powerade vs Caiquetio den CD Frans Figaroa, segunda buelta Copa Bettico.



Radisson Aruba inclui den encuesta di Travel + Leisure 2013 World's Best Awards

Fanatico y amigonan di e Radisson Aruba Resort Casino & Spa a nombra e resort pa bin na remarke di e encuesta di Travel + Leisure 2013 World's Best Awards. Nos ta deleita cu nos resort a wordo escohi pa participa den e encuesta di Travel + Leisure 2013 World's Best Awards, y nos ta encurashando nos huespetnan pa subi on line y vota. Esnan cu ta haci

nan voto lo wordo registra pa participa den un mega sorteo cu e chens di gana e viahe di nan soñonan balora na \$10,000, pa e destinacion di nan escohencia, segun Director di Benta & Mercadeo Arianne Valentino, kende tabata riba e isla e siman aki pa un reunion cu e resort su Gerente General nobo Mark Lyttleton Frances.

MOVECION DEN VALERO TA LANTANDO PRECUPACION

Pa medio di e comunicado aki nos kier trese nos descontento y preocupacion dilanti na Gobierno, Parlamentarionan y e pueblo di Aruba en general, cu e movecion di e Multinational Valero.

Ultimo nos por a tuma nota cu Valero a pone e Power Plant #3 pa bid (Lot 14169) riba e auction site Network International. Powerhouse #3 tawata un di e projectonan clave pa e benta di refineria. E tawata e proyecto pa mehora e systema di produccion di coriente, ja cu Valero tin mas cu 5 anja ta huur diesel generators nan (Agrekko) pa por sumistra suficiente coriente pa por matene e refineria operational. Powerhouse #3 su steam turbina TG-11 no a wordo poni den servicio, dicual ta mas o menos 95% cla. Pero awor cu Valero ta deshaciendo di powerhouse #3, e ta baha e speranza cu ja no ta grandi mas pa un futuro restart di e refineria na Aruba. Paso ja Valero ta cuminsa deshasie di equiponan den e refineria. Cu e benta aki, un benta di e refineria lo bira masha dificil mes, no solamente door di e prijs cu Valero ta pidi pa e refineria pero tambe den e condicion cu ela worda laga atras. Awor e poco speranza cu a keda pa un reapertura of un benta ta mane bay perdi cada ves mas. Apesar cu gobierno ta bisa di ta negoshando y trahando ainda pa cu un apertura di e refineria, pero lastimamente esey ta muestra di no ta den Valero su planesnan. Pesey e ta trese un descontento, paso tawata ser papia grandemente di partnership entre gobierno y Valero, pero te dia di awe ta pais Aruba ta esun cu ta sali perhudica cada ves. Anja tras di anja Valero tawata trese promesanan di inversion pa cu e refineria, pero semper gran parti di esakinan a keda na promesanan so. Cu of sin BBO nada no a cambia, ta promesanan so a keda atras. Pesey tambe nos ta puntra nos mes si gobierno y parlamentarionan ta na haltura di e susesonan cu ta pasando den e refineria?

Ora un refineria wordo poni for di servicio pa tempo largo e tin cu wordo poni bou di un condicion yama mothball den terminologia di e industria. Esey kiermen cu e proceso, apparatura, equiponan y tubonan tin cu wordo conserva. Systemanan di proceso y apparatonan nuclear tin cu wordo isola debidamente. Plantanan nan cu tin catalyst tambe tin cu wordo vigila y desponi debidamente. Equiponan manera pump, compressor, turbine etc. tambe tin cu wordo manteni constantemente siendo cu e no ta den servicio. Parti di seguridad y medio ambiente tambe tin cierto pasonan cu tin cu wordo tuma manera un plan di emergencia, control di seguridad riba edificionan y equiponan, control riba substancia y material nan peligroso manera asbestos y producto cu ta leak. **Te awo nada concreto a wordo hasi cu a caba di wordo menciona.** Ta pesei nos preocupacion ta bira mas y mas grandi cu si Valero ta sigi asina, e oportunidad di reapertura di e refineria ta bira dia pa dia mas y mas chiquito. Tur esaki nos a trese caba dilanti na gobierno, den e petition di 7 di November 2012 nos a menciona tur esakinan. Nos ta pidi gobierno pa vigila di serka y hasi algo pa cu e situacion, pasobra nos y pueblo di Aruba tambe lo kier wak un reapertura di e refineria mas pronto possible y den un manera safe.

Tambe ta reina un preocupacion grandi pa cu e transshipment di Valero. Cu e ciere di e refineria, Valero a manda tur e dedicated firefighters nan cas, di cual ta algun so a keda awor aki. Anto un firetruck a keda atras pa e transshipment. Nos ta puntra nos mes si den un caso di candela na un di e tankinan, ken of con lo percursa pa cu e candela? Paso un persona cu poco experiencia a keda na cabes pa encaso di un candela. E firetrucknan special pa emergencia asina a wordo manda back Merca. Valero a caba di haya su mes den frega cu Shell, paso Shell lo no almacena niun di nan productonan na e transshipment di Aruba, paso e transshipment di Aruba no tin un fire plan adecuado segun e standard nan di Shell. Ironia ta cu Valero a cuminsa aplica e standard nan di Shell algun anja atras. Y nos ta puntra nos mes tambe si e cuerpo di bombero di Aruba ta entrena, cualifica y tin material suficiente pa actua den un caso di candela na un di e tanki grandi nan aki? Nos ta kere y spera cu si, sino e lo por bira un calamidad basta grandi mirando e cas nan cu tin den sercania di algun di e tankinan aki. Nos ta spera tambe cu lo por tin un instancia na Aruba cu por atleast revisa y controla si tur cos ta na ordo pa cu den un caso di un candela.

Musica y logistica ta na su lugar pa e Aruba Caiso & Soca Monarch

Den fin di siman ariba di-
asabra a tuma lugar un re-
union cu tur e musiconan cu
a inscribi pa loke ta e Aruba
Caiso & Soca Monarch. E re-
union a bay den bon ambi-
ente unda cu a repasa tur e
reglanan y e musiconan cu
tabata tin cualkier inkietud
por a hasi tal. Diadomingo
tabata e dead line pa asina
tur musico a entrega nan
respectivo titulo final y le-

tranan di nan composicion.
Esey ta hasi cu e parti mu-
sical ta completamente na
ordo pa asina traha e line
up oficial pa e tres ano-
chinan di pre final den Joe
Laveist Sport Park. Tur ano-
chi di pre final lo cuminsa
pa 7 or di anochi. Pa loke
ta e parti di logistica e aña
aki sigur ta conociendo un
cambio positivo pa loke ta
tanto patras di e escenario



ño di loke ta e ubicacion
di lo necesario pa cu riba e
tereno di Joe Laveist Sport
Park.

Algo nobo pa Aruba e aña
aki ta cu lo bay saca e can-
cion mas popular riba caya
cual lo wordo husga por
medio di SMS di e publico y
tambe un elenco di hurado.
Aruba ta keda invita pa asi-
na bin apoya Tsunami, Le
Groove, Youth Xtreme, Up-
grade Music y Je'ò, Simple-
tamente Pabo, Claudius y
OREO, Virus Band, XC Lanz,
Hot Ones Band y D'licious,
The Failures, D.U.R.O.,
NBO, Aruba Invaders, Thiss
and That, Zeta Band, Dushi
Band y Robert Jeandor y su
Solo Banda Show.

pa e musiconan mes y tam-
be parti dilanti di e esce-
nario. Purple Entertainment
Group cu ta encarga cu e
produccion total tin mas
cu un siman caba trahando
den Joe Laveist pa asina
por prepara un stadion bon
equipa cu un logistica cu
ta combini tanto e publico
como e musiconan. Ariba
e imaganan por mira e dis-



'Quien no se aventura no
pasa la mar' ta un dicho
Spaño hopi conoci. Su nifi-
cacion ta papia palabra cla.
Esun cu no tribi di tuma
riesgo nunca ta yega leu.
Den e caso di e boto di bela
di cero emission Ecolution di
Prof. dr. Wubbo Ockels e di-

cho aki ta masha apropiada.
Apesar di contratiempo cu
problemanan tecnico na
cuminsamento di nan biahe
transatlantico Ockels y su
tripulacion ningun momen-
to a pensa di rindi, pero a
sigui cu bon animo, a pasa
e lama grandi pa yega nan

Prof. Wubbo Ockels ta yega Aruba riba e boto di cero emission 'Ecolution'

destinacion final cu ta e waf
di Aruba. Esaki ta sosode
diadomingo dia 20 di janu-
ari proximo den careda di
3'or di atardi. A bordo t'ey
tambe e estudiante di Aruba
di TU Delft Javier Sint Jago,
kende a bira conoci como
e ingeniero y coredo apa-
sionado di e auto solar Nuna
cu na e Solar World Race
na Australië a yega na di
dos luga. Despues di su
yegada Ecolution ta keda
algun luna den waf di Ho-
tel Renaissance. Mirando
cu gobierno di Aruba a
pone e meta su dilanti pa
na 2020 bira e prome pais
cu un economia 100% du-

radero, e guru di sostenibi-
lidad Ockels ta bay yuda
den esaki desaroyando al-
gun proyecto pa sostene e
maneho 'berde' aki. Pa haci
e stap na 100% gobierno di
Aruba a cera acuerdonan
di cooperacion cu entre
otro Carbon War Room di
Sir Richard Branson, Har-
vard y TNO Hulanda. Como
tata spiritual di e move-
mento Happy Energy ex-
astronauta Ockels ta bay
presenta e concepto na e
comunidad di Aruba - tanto
e consumidor como e co-
merciante - cu durabilidad
ta algo cu henter sociedad
por tin probecho di dje.